

**COMUNI D'AGGJU - PROVINCIA DI GALLURA NORD-EST SARDEGNA**  
**XX PREMIU "AGGJU: CÓNTI GADDURESI E CÓSSI"**  
**REGOLAMENTU E BÁNDIU 2026**

- 1) Lu Concorsu AGGJU: CÓNTI GADDURESI E CÓSSI nasci cu l'intenzioni di sustinì la Linga Gaddurésa (cun tutti li só' varianti), cumprésa la lingua affini di la Corsica, in módu da ricuperà la "micro-storia" di tutti li fatti di chisti tarri (aneddoti, usi, costumi, tradizioni...);  
A lu concursu si paltecipiggja mandendi un "cóntu" a tema libbaru (invintatu, di fughili o di fatti antighi e moderni), mai pubbligatu in libbri, giornali o rivisti... e nemmancu prisintatu primiatu in un'altu concursu;  
Lu mancatu rispettu di lu com. 2 di l'art.1 cumpolta lu ritiru di lu premiu e/o di l'attestatu riziutu e l'esclusioni di l'autori da lu concursu banditu.
- 2) Lu concursu si sviluppa in dui settóri: "Conti di la Gaddura" e "Conti di la Corsica";  
Tutt'e dui li settóri so' destinati a li "manni", in etài cumpresa tra li 18 e li 99 anni;  
Lu settóri di la "Gaddura" à puru una palti destinata a li "cioani", in un'etài cumprésa tra li 10 e li 17 anni, chi siani o no frequentendi la scóla.
- 3) Dugna concorrenti palticipiggja prisintendi un contu sólu, no più longu di 4 fógli in A4, scritti pussibilmenti in Times New Roman, a corpo 12;  
Li cónti dèni esse dattiloscritti o scritti a computer, pena l'eliminazioni.
- 4) Li cónti prisentati no póni 'antà lu "dirittu d'autori" e ambàrani di proprietai di lu Comuni d'Aggju chi po' silvissinni commu li piazzi, senz'obbligu di dumandà lu pilmissu a cassisia e senz'obbligu di risarcimentu pa lu sfruttamentu di li 'idèi di l'alti.
- 5) Li cónti dèni esse prisintati in folma "anonima", senza nisciun muttu ó stivignu ó alta cosa chi póssia fa cumprindi ca l'à scrittu, pena l'esclusioni.  
Lu 'nnummu di lu concorrenti, insempi a l'indirizzu di casa, lu 'nnummaru di lu telefono fissu ó cellulari, l'indirizzu mail, cumpresu lu titulu di l'ópara a concursu, anda scrittu a palti e postu indrentu a una busta chiusa; chita busta anda sistemata indrentu a la busta più manna undi venini collocati li fógli di l'ópara finita.
- 6) Li cioani, illu fronti di la busta anagrafiga, dèni priccisà chi so palticipendi pa la "sezioni cioani", si manca chista precisazioni lu contu sóiu anda a fa palti di la "sezioni manni".
- 7) La busta, cu indrentu lu cóntu e la busta di li generalitài, anda mandata no più taldu di la dì **12 di lu mesi di capidannu 2026**; li conti in gaddurésu andani mandati a l'indirizzu mail **protocollo@comuneaggjus.it**; oppure pa littara a chistu indirizzu: "XX PREMIO AGGJU, CONTI GADDURESI E COSSI- 2026", COMUNE DI AGGIUS, VIA P. PAOLI, 39 - 07020 AGGIUS (SS)";  
Li cónti in Linga Corsa andani spiduti a l'indirizzu signalatu da lu Presidenti di la Commissioni di chissa Regioni, a lu stessu módu ch'ému dittu pa lu settóri di la Gaddura.  
Tuttu lu chi véni mandatu dapói di la data stabilita (fazi fidi lu timbru postali), pa regolamentu, veni cunsidaratu "fóra concursu";  
Ca vò sapinni di più telefoniggja a lu 'nummaru 079.621060 – 620339 in orariu d'ufficiu.
- 8) Lu Concorsu assegna un 1°, 2° e 3° premiu pa li manni, tantu pa la "palti Gadduresa", cantu

pa la "palti Corsa"; un 1° e 2° classificatu pa li cioani;  
Pa li cónti 'inzidóri no è previstu nisciun ex aequo.

- 9) Li premi di li manni cumprendini "*oggetti e prodotti di l'artigianatu tessile di lu logu*"; Illa fasi di premiazione è prevista puru la consegna di *tre targhi speciali* pa l'ópari di li manni, cuss' suddivisi: "*Targa Linga Gadduresa* (pa Linga Classica Gadduresa s'intendi "lu Timpiesu", chi saria la linga trattata da li nostri puetti maggiori finz'a la mitài di lu 1900); "*Targa Faiddata di lu logu*" (scrittu rispittendi la "faiddata Aggjesa"); "*Targa Cónti di Fughili*" (pa lu cóntu più significativu innat'a la micro-storia di lu nostru territoriu); Nisciuna di li targhi previsti po' èsse abbianata cu lu 1°, 2° e 3° premiu di lu concursu; So' puru previsti "*menzioni speciali*" (massimu dui) pa li conti chi miritiggiani; Li chi vinzini, li signalati cu la targa e li menzionati rizèini puru *un libru innant' a la cultura e li tradizioni di la Gaddura e/o innantu a la Regioni Saldigna*; Lu premiu di li cioani consisti in un oggettu elettronigu e/o informatigu, pa lu primmu classificatu, e alta robba pa lu sigundu, par esempiu una macchina fotografiga; A tutti li concorrenti vèni datu "*l'Attestatu di Partecipazioni*" e lu "*libru*" di la raccolta di li cónti prisintati l'annu primma.
- 10) Li diccisioni di la gjurìa no si discutini e no' póni èsse cambiati;  
La paltecipazioni a lu concursu impliciggja lu rispettu e l'osservanza di lu bándiu e diventa la regula fondamentali di riferimentu pal tutti.
- 11) La gjurìa di la "Palti Gadduresa", è fulmata da 3 commissari fissi (cumpresu lu "Presidenti") e da un commissariu aggjuntu, a incarigu annuali, illa figura di ca l'à "vintu lu concursu" di l'annu primma.  
Ca vinzi lu concursu veni incarigatu di la funzioni di "gjudizi" pa li conti di l'annu infattu e no à solu l'óbliggu di svolgì chissa funzioni ma à puru chissu di mandà un "contu fóra concursu", a titulu onorariu.
- 12) La gjurìa di la "Sezioni Córsgana" è fulmata da 3 commissari fissi (presidenti cumpresu) e sighi lu regolamentu stabilitu da iddi.
- 13) La gjurìa di la "Palti Gadduresa", comme chissa di "Palti Córsgana", à l'obbliggu di rispità, illa formulazioni di lu gjudiziu cant' è stabilitu da lu Regolamentu di Valutazioni, propostu da lu Presidenti e appruatu da la Commissionii in modu da garantì la maggjóri correttezza sia illa valutazioni di li scritti, sia illa trasparenza di tutti li 'ótti stabiliti finz' a l'attribuzioni di lu gjudiziu finali.
- 14) La data di la premiazioni, prevista pa lu mesi di Santigaini, sarà cumunicata a tutti cantu primma, tramite stampa e pubblicazioni illu situ di lu comuni d'Aggjiu.

Aggju, li 15 marzo 2026

Lu Presidenti di lu concursu  
Andria Muzzeddu